



高麗史

世家

貳

書  
リ伊6  
2809  
2



特  
2809  
2



世家卷第一

高麗史一

正憲大夫判書集賢殿大提學知 經筵春秋館事兼成均大司成臣鄭麟趾奉

教修

太祖一

太祖應運元明光烈大定睿德章孝威穆神  
聖大王姓王氏諱建字若天松嶽郡人世祖  
長子母曰威肅王后韓氏唐乾符四年丁酉  
正月丙戌生於松嶽南第神光紫氣耀室克  
庭竟日盤旋狀若蛟龍幼而聰明睿智龍顏

日角方顛廣顙氣度雄深語音洪大有濟世  
之量時新羅政衰群賊競起甄萱叛據南州  
稱後百濟弓裔據高句麗之地都鐵圓國號  
泰封世祖時爲松嶽郡沙朶乾寧三年丙辰  
以郡歸于裔裔大喜以爲金城太守世祖說  
之曰大王若欲王朝鮮肅慎下韓之地莫如  
先城松嶽以吾長子爲其主裔從之使太祖  
築勃禦塹城仍爲城主時太祖年二十光化  
元年戊午裔移都松嶽太祖來見授精騎大

監三年庚申裔命太祖伐廣忠青三州及唐  
城槐壤等郡縣皆平之以功授阿朶天復三  
年癸亥三月率舟師自西海抵光州界攻錦  
城郡拔之擊取十餘郡縣仍改錦城爲羅州  
分軍戍之而還是歲良州帥金忍訓告急裔  
命太祖往救及還裔問邊事太祖陳安邊拓  
境之策左右皆屬目裔亦奇之進階爲闕朶  
天祐二年乙丑裔還都鐵圓三年丙寅裔命  
太祖率精騎將軍黔式等領兵三千攻尚州

沙火鎮與甄萱累戰克之裔以土地益廣士  
馬漸強意欲并吞新羅呼為滅都自新羅來  
附者並皆誅殺梁開平三年己巳太祖見裔  
日以驕虐復有志於聞外適裔以羅州為憂  
遂令太祖往鎮之進階為韓瓘海軍大將軍  
太祖推誠撫士威惠並行士卒畏愛咸思奮  
勇敵境讐服以舟師次于光州益海縣獲萱  
遣入吳越船而還裔喜甚優加褒獎又使太  
祖修戰艦于貞州以闕瓘宗希金言等副之

領兵二千五百往擊光州珍島郡拔之進次  
卑夷島城中人望見軍容嚴整不戰而降及  
至羅州浦口萱親率兵列戰艦自木浦至德  
真浦首尾相銜水陸縱橫兵勢甚盛諸將患  
之太祖曰勿憂也師克在和不在衆乃進軍  
急擊敵船稍却乘風縱火燒溺者大半斬獲  
五百餘級萱以小舸遁歸初羅州管内諸郡  
與我阻隔賊兵遮絕莫相應援頗懷虞疑至  
是挫萱銳卒衆心悉定於是三韓之地裔有

大半太祖復修戰艦備糧餉欲留戍羅州金  
言等自以功多無賞頗解體太祖曰慎勿怠  
唯戮力無貳心庶可獲福今主上恣虐多殺  
不辜讒諛得志互相浸潤是以在內者人不  
自保莫如外事征伐殫力勤王以得全身之  
爲愈也諸將然之遂至光州西南界潘南縣  
浦口縱謀賊境時有歷海縣賊帥能昌起海  
島善水戰號曰水獺嘯聚亡命遂與葛草島  
小賊相結候太祖至欲邀害之太祖謂諸將

曰能昌已知我至必與島賊謀變賊徒雖小  
若并力合勢遏前絕後勝負未可知也使善  
水者十餘人擐甲持矛乘輕舫夜至葛草渡  
口擒往來計事者以沮其謀可也諸將皆從  
之果獲一小舫乃能昌也執送于齋齋大喜  
乃唾昌面曰海賊皆推汝爲雄今爲俘虜豈  
非我神算乎乃示衆斬之乾化三年癸酉以  
太祖屢著邊功累階爲波珍梁兼侍中以召  
之水軍之務盡委副將金言等而征討之事

必令稟太祖行之於是太祖位冠百僚然非  
素志且畏讒不樂居位每出入公門平章國  
計惟抑情謹慎務得衆心好賢嫉惡每見人  
被讒輒悉解救有青州人阿志泰本諂詐見  
裔喜讒乃譖同州人笠全率方寬舒等有司  
推之數年未決太祖立別真偽志泰伏辜衆  
情稱快由是轅門將校宗室勲賢智計儒雅  
之輩莫不風靡景從太祖懼禍及復求閭外  
四年甲戌裔又謂水軍帥賤不足以威敵乃

解太祖侍中使復領水軍就貞州浦口理戰  
艦七十餘艘載兵士二千人往至羅州百濟  
與海上草竊知太祖復至皆懾伏莫敢動太  
祖還告舟楫之利應變之宜裔喜謂左右曰  
我諸將中誰可比擬乎時裔誣構叛罪日殺  
百數將相遇害者十有八九常自云我得彌  
勒觀心法能知婦人陰私若有干我觀心者  
便行峻法遂鍛造三尺鐵杵有欲殺者輒熱  
之以撞其陰烟出口鼻死由是士女股慄怨

高麗史卷一  
王  
憤日甚一日急召太祖入內齋方檢點誅殺人籍沒金銀寶器床帳之具怒目熟視太祖曰卿昨夜聚衆謀叛何耶太祖顏色自若輒然而笑曰烏有是哉齋曰卿莫給我我能觀心所以知也我將入定以觀了說其事乃合眼負手仰天良久時掌奏崔凝在側佯墜筆下庭取之因趨過太祖微語曰不服則危太祖乃悟曰臣實謀叛罪當死齋大笑曰卿可謂直也即以金銀粧鞍轡賜之曰卿勿復誑

我遂以步將康瑄詰黑湘金材瑗等副太祖增治舟舸百餘艘大船十數各方十六步上起樓櫓可以馳馬領軍三千餘人載糧餉往羅州是歲南方饑饉草竊蜂起戍卒皆食半菽太祖盡心救恤賴以全活初太祖年三十夢見九層金塔立海中自登其上貞明四年三月唐商客王昌瑾忽於市中見一人狀貌瓌偉鬚髮皓白頭戴古冠被居士服左手持三隻椀右手擎一面古鏡方一尺許謂昌瑾

曰能買我鏡乎昌瑾以二斗米買之鏡主將  
米沿路散與乞兒而去疾如旋風昌瑾懸其  
鏡於市壁日光斜映隱隱有細字可讀其文  
曰三水中四維下上帝降子於辰馬先操雞  
後搏鴨此謂運滿一三甲暗登天明理地遇  
子年中興大事混蹤沌名姓混沌誰知填  
與聖振法雷揮神電於巳年中二龍見一則  
藏身青木中一則現形黑金東智者見愚者  
盲興雲注雨與人征或見盛或視衰盛衰為

滅惡塵滓此一龍子三四迥代相承六甲子  
此四維定滅丑越海來降須待酉此文若見  
於明王國泰人安帝求昌吾之記凡一百四  
十七字昌瑾初不知有文及見之謂非常獻  
于裔裔今昌瑾物色求其人彌月竟不能得  
唯東州勃颯寺熾盛光如來像前有填星古  
像如其狀左右亦持梳鏡昌瑾喜具以狀白  
裔歎異之令文人宋舍弘白卓許原等解之  
舍弘等曰三水中四維下上帝降子於辰馬



者辰韓馬韓也巳年中二龍見一則藏身青木中一則現形黑金東者青木松也謂松嶽郡人以龍爲名者之子孫可以爲君主也王侍中有王侯之相豈謂是歟黑金鐵也今所都鐵圓之謂也今主初盛於此殆終滅於此乎先操雞後搏鴨者王侍中御國之後先得雞林後收鴨綠之意也三人相謂曰王猜忌嗜殺若告以實王侍中必遇害吾輩亦且不免矣乃諛碎告之至六月乙卯騎將洪儒裴

玄慶申崇謙卜智謙等密謀夜詣太祖第共言推戴之意太祖固拒不許夫人柳氏手提甲領被太祖諸將扶擁而出令人馳且呼曰王公已舉義旗矣於是奔走來赴者不可勝記先至宮門鼓譟以待者亦萬餘人裔聞之驚駭曰王公得之吾事已矣乃不知所圖以微服出自北門亡去內人清宮以迎裔適于叢谷信宿飢甚偷截麥穗而食尋爲斧壤民所害

寅戊

元年夏六月丙辰即位于布政殿國號高麗  
改元天授 丁巳詔曰前主當四郡土崩之  
時剷除寇賊漸拓封疆未及兼并海內俄以  
酷暴御衆以姦回爲至道以威侮爲要術徭  
煩賦重人耗土虛而猶宮室宏壯不遵制度  
勞役不止怨讟遂興於是竊號稱尊殺妻戮  
子天地不容神人共怨荒墜厥緒可不戒乎  
朕資群公推戴之心登九五統臨之極移風  
易俗咸與惟新宜遵改轍之規深鑑伐柯之

則君臣諧魚水之歡河海協晏清之慶內外  
群庶宜悉朕懷群臣拜謝曰臣等值前主之  
世毒害良善淫虐無辜老稚嗷嗷莫不舍寃  
幸今得保首領遭遇聖明敢不竭力以圖報  
效 戊午王謂韓粲聰逸曰前主信讒好殺  
以卿貫鄉青州土地沃饒人多豪傑恐其爲  
變將欲殲之乃召軍人尹全愛堅等八十餘  
人俱以非辜械繫在途卿其亟往放還田里  
庚申馬軍將軍桓宣吉謀逆伏誅 辛酉

高麗史卷一  
九  
詔曰設官分職任能之道斯存利俗安民選  
賢之務是急誠無官曠何有政荒朕叨膺景  
命顯馭丕圖顧臨蒞以難安念庸虛之可懼  
唯慮知人不明審官多失俾起遺賢之歎深  
乖得士之宜寢興載懷職此而已內外庶僚  
並稱其職則匪獨今時之致理足貽後代之  
可稱宜其登庸列辟歷試群公勉務精選咸  
使僉諧自中及外具悉朕懷遂以韓粲金行  
濤爲廣評侍中韓粲黔剛爲內奉令韓粲林

明弼爲徇軍部令波珍粲林曦爲兵部令蘇  
判陳原爲倉部令韓粲閻萇爲義刑臺令韓  
粲歸評爲都航司令韓粲孫迥爲物藏省令  
蘇判秦勁爲內泉部令波珍粲秦靖爲珍閣  
省令是皆稟性端方處事平允咸從創業之  
始俱罄佐命之勲者也閻粲林積璵爲廣評  
侍郎前守徇軍部卿能駿倉部卿權寔並爲  
內奉卿閻粲金堙英俊並爲兵部卿閻粲崔  
汶堅術並爲倉部卿一吉粲朴仁遠金言規

並爲白書省卿林湘煖爲都航司卿姚仁暉  
香南並爲物藏卿能惠贍粥並爲內軍卿是  
皆夙達事務清謹可稱奉公無怠敏於決斷  
允愜衆心者也前廣評郎中康允珩爲內奉  
監前徇軍部郎中韓粲申一林寔並爲廣評  
郎中前廣評史國鉉爲負外郎前廣評史倪  
言爲內奉理決內奉史曲矜會爲評察前內  
奉史劉吉權爲徇軍郎中其餘司省各置郎  
史用備負數一無所缺蓋開國之初妙簡賢

材以諧庶務也 壬戌以韓粲朴質榮爲侍  
中 以蘇判宗侃少爲僧務行姦詐內軍將  
軍狀缺幼爲髡鉗巧言取容皆得幸弓裔好  
行澆潤多陷良善誅之 癸亥隱士朴儒來  
見賜冠帶 乙丑詔曰爲國當務節儉民富  
倉實雖有水旱饑饉不能爲患所有內症及  
東宮食邑積數歲久必多朽損其以內奉郎  
中能梵爲審敕使 以內奉負外郎丑珩爲  
內奉郎中內奉史李矜會爲內奉負外 戊

高麗文獻  
辰以白書省孔目直晟爲白書郎中徇軍郎  
中閔剛爲內軍將軍 詔曰朕聞乘機革制  
正謬是詳導俗訓民號今必慎前主以新羅  
階官郡邑之號悉皆鄙野改爲新制行之累  
年民不習知以至惑亂今悉從新羅之制其  
名義易知者可從新制 己巳馬軍大將軍  
伊昕巖謀叛棄市 秋七月壬申以廣評郎  
能寔爲徇軍郎中 癸巳廣評侍郎荀弼病  
免以兵部卿列評代之 丙申青州領軍將

軍堅金來見 以前兵部卿職預爲泰評侍  
郎 八月己酉諭群臣曰朕慮諸道寇賊聞  
朕初即位或構邊患分遣單使重幣卑辭以  
示恩和之意歸附者果衆獨甄壹不肯交聘  
庚戌朔方鶻巖城帥尹瑄來歸 辛亥詔  
曰前主視民如草芥而惟欲之從乃信讖緯  
遽棄松嶽還居芥壤營立宮室百姓困於上  
功三時失於農業加以饑饉荐臻疾疫仍起  
室家棄背道殣相望一匹細布直米五升至

使齊民賣身鬻子爲人奴婢朕甚悶焉其令  
所在具錄以聞於是得一千餘口以內庫布  
帛贖還之又詔曰人臣運佐時之奇略樹蓋  
世之高勲者錫之以分茅胙土褒之以峻秩  
崇班是百代之常典千古之宏規也朕出自  
側微才識庸下誠資群望克踐洪基當其廢  
暴主之時竭忠臣之節者宜行賞賚以獎勲  
勞其以洪儒裴玄慶申崇謙卜智謙爲第一  
等給金銀器錦繡綺被褥綾羅布帛有差堅

權能寔權慎廉湘金樂連珠麻煖爲第二等  
給金銀器錦繡綺被褥綾帛有差其第三等  
二千餘人各給綾帛數米有差朕與公等欲  
救生民未能終守臣節以此爲功豈無慚德  
然而有功不賞無以勸將來故有今日之賞  
公等明知朕意甄壹遣一吉築閔郃來賀  
即位命廣評侍郎韓申一等迎于甘彌縣郃  
至厚禮遣之甲寅以兵部卿壹寔爲內奉  
卿癸亥以熊運等十餘州縣叛附百濟命

前侍中金行濤為東南道招討使知牙州諸  
軍事 丙寅以倉部郎中柳問律為廣評郎  
中 九月乙酉徇軍吏林春吉等謀叛伏誅  
庚寅以徇軍郎中玄律為兵部郎中 癸  
巳以前侍中具鎮為羅州道大行臺侍中鎮  
辭以久勞前主不肯行王不悅謂劉權說曰  
昔予歷試險阻而未嘗告勞者實懼嚴威也  
今鎮固辭不行可乎權說對曰賞以勸善罰  
以懲惡宜加嚴刑以戒群下王然之鎮懼謝

罪遂行 甲午尚州賊帥阿字蓋遣使來附  
王命備儀迎之習儀於毬庭文武官俱就班  
廣評郎中柳問律與直省官朱瑄劫爭列王  
曰讓為禮宗敬乃德本今接賓以禮將觀厥  
成而問律瑄劫爭列豈敬慎者乎宜並徙邊  
以彰其罪以徇軍郎中景訓代問律為廣評  
郎中 乙未以前內奉監金篆榮能惠並為  
內軍卿 丙申諭群臣曰平壤古都荒廢雖  
久基址尚存而荆棘滋茂蕃人遊獵於其間

因而侵掠邊邑爲害大矣宜徙民實之以固藩屏爲百世之利遂爲大都護遣堂弟式廉廣評侍郎列評守之 丁酉以珍閣省卿柳陟良當革命之際群僚倉卒散走獨不離本省所典倉庫無所亡失特授廣評侍郎 冬十月庚申以守義刑臺卿能律爲廣評侍郎廣評侍郎職預爲內侍書記 辛酉青州帥波珍粲陳瑄與其弟宣長謀叛伏誅 十一月始設八關會御儀鳳樓觀之歲以爲常

卯

二年春正月定都于松嶽之陽創宮闕置三省六尚書官九寺立市廛辨坊里分五部置六衛 三月創法王王輪等十寺于都內兩京塔廟肖像之廢缺者並今修葺 辛巳追謚三代以曾祖考爲始祖元德大王妃爲貞和王后祖考爲懿祖景康大王妃爲元昌王后考爲世祖威武大王妃爲威肅王后 秋八月癸卯以青州首鼠順逆訛言屢興親幸慰撫遂命城之 九月癸未吳越國文士會



庚辰

彦規來投 冬十月城平壤  
三年春正月新羅始遣使來聘 康州將軍  
閔雄遣其子一康為質拜一康阿粲以卿行  
訓之妹妻之遣郎中春讓於康州慰諭歸附  
秋九月辛丑甄壹遣阿粲功達獻孔雀扇  
智異山竹箭 冬十月甄壹侵新羅取大良  
仇史二郡至于進禮郡新羅遣阿粲金律來  
求援王遣兵救之壹聞之引退始與我有隙  
是歲巡幸北界

辛巳

四年春二月甲子黑水酋長高子羅率百七  
十人來投 壬申達姑狃百七十一人侵新  
羅道由登州將軍堅權邀擊大敗之匹馬無  
還者命賜有功者穀人五十石新羅王聞之  
喜遣使來謝 夏四月乙酉黑水阿於閒率  
二百人來投 秋九月己亥遣郎中撰行往  
巡邊郡存撫百姓 冬十月丁卯創大興寺  
于五冠山迎置僧利言師事之 壬申幸西  
京 十二月辛酉冊子武為正胤正胤即太

午壬

子 百濟人宮昌明權等來投賜田宅

五年春二月契丹來遺橐駝馬及氈 夏四

月創日月寺于宮城西比 六月丁巳下枝

縣將軍元奉來投 秋七月戊戌溟州將軍

順式遣子降附 冬十一月辛巳真寶城主

洪術遣使請降遣元尹王儒卿舍彌等慰諭

之 是歲徙大丞質榮行波等父兄弟及

諸郡縣良家子弟以實西京 幸西京新置

官府負吏始築在城 親定牙善城民居

癸未

六年春三月甲申以下枝縣將軍元奉為元

尹 辛丑命旨城將軍城達與其弟伊達端

林來附 夏六月癸未福府卿尹質使梁還

獻五百羅漢畫像命置于海州嵩山寺 癸

巳吳越國文士朴巖來投 秋八月壬申碧

珍郡將軍良文遣其甥圭奐來降拜圭奐元

尹 冬十一月戊申真寶城主洪術遣其子

王立獻鎧三十拜王立元尹

七年秋七月甄萱遣子湏彌康良劍等來攻

曹物郡命將軍哀宣王忠救之哀宣戰死郡人固守須彌康等失利而歸八月甄萱遣使來獻絕影島驄馬一匹九月新羅王昇英薨其弟魏膺立來告喪王舉哀設齋追福遣使弔之是歲創外帝釋院九耀堂神衆院

八年春三月幸西京秋九月丙申渤海將軍申德等五百人來投庚子渤海禮部卿大和鈞均老司政大元鈞工部卿大福譽左

右衛將軍大審理等率民一百戶來附渤海本粟末靺鞨也唐武后時高勾麗人大祚榮走保遼東睿宗封為渤海郡王因自稱渤海國并有扶餘肅慎等十餘國有文字禮樂官府制度五京十五府六十二州地方五千餘里衆數十萬隣于我境而與契丹世讎至是契丹主謂左右曰世讎未雪豈宜安處乃大舉攻渤海大諲譔圍忽汗城大諲譔戰敗乞降遂滅渤海於是其國人來奔者相繼甲

大

曹物郡命將軍哀宣王忠救之哀宣戰死郡人固守須彌康等失利而歸八月甄萱遣使來獻絕影島驄馬一匹九月新羅王昇英薨其弟魏膺立來告喪王舉哀設齋追福遣使弔之是歲創外帝釋院九耀堂神衆

院

八年春三月幸西京秋九月丙申渤海將軍申德等五百人來投庚子渤海禮部卿大和鈞均老司政大元鈞工部卿大福暮左

乙酉

右衛將軍大審理等率民一百戶來附渤海本粟末靺鞨也唐武后時高勾麗人大祚榮走保遼東睿宗封為渤海郡王因自稱渤海國并有扶餘肅慎等十餘國有文字禮樂官府制度五京十五府六十二州地方五千餘里衆數十萬隣于我境而與契丹世讎至是契丹主謂左右曰世讎未雪豈宜安處乃大舉攻渤海大諲譔圍忽汗城大諲譔戰敗乞降遂滅渤海於是其國人來奔者相繼甲

寅買曹城將軍能玄遣使之降 冬十月己巳高鬱府將軍能文率士卒來投以其城近新羅王都勞慰遣還唯留麾下侍郎孟近大監明才相述弓式等 遣征西大將軍庚黔弼攻百濟 乙亥王自將及甄萱戰于曹物郡黔弼引兵來會萱懼乞和以外甥真虎爲質王亦以堂弟元尹王信交質以萱十年之長稱爲尚父新羅王聞之遣使曰萱反復多詐不可和親王然之 十一月己丑耽羅貢

丙

方物 十二月戊子渤海左首衛小將冒豆干檢校開國男朴漁等率民一千戶來附 九年夏四月庚辰甄萱質子真虎病死遣侍郎弋萱送其喪甄萱謂我殺之殺王信進軍熊津王命諸城堅壁不出新羅王遣使曰甄萱遠盟舉兵天必不祐若大王奮一鼓之威萱必自敗王謂使者曰吾非畏萱俟惡盈而自僵耳萱聞讖云絕影名馬至百濟亡至是悔之使人請還其馬王笑而許之 冬十二

甲寅

寅買曹城將軍能玄遣使乞降 冬十月己巳高鬱府將軍能文率士卒來投以其城近新羅王都勞慰遣還唯留麾下侍郎孟近大監明才相述弓式等 遣征西大將軍庚黔弼攻百濟 乙亥王自將及甄萱戰于曹物郡黔弼引兵來會萱懼乞和以外甥真虎為質王亦以堂弟元尹王信交質以萱十年之長稱為尚父新羅王聞之遣使曰萱反復多詐不可和親王然之 十一月己丑耽羅貢

丙

方物 十二月戊子渤海左首衛小將冒豆干檢校開國男朴漁等率民一千戶來附 九年夏四月庚辰甄萱質子真虎病死遣侍郎弋萱送其喪甄萱謂我殺之殺王信進軍熊津王命諸城堅壁不出新羅王遣使曰甄萱遠盟舉兵天必不祐若大王奮一鼓之威萱必自敗王謂使者曰吾非畏萱俟惡盈而自僵耳萱聞讖云絕影名馬至百濟亡至是悔之使人請還其馬王笑而許之 冬十二

亥丁

月癸未幸西京親行齋祭巡歷州鎮 是歲遣張彬如唐

十年春正月乙卯親伐百濟龍州降之時甄萱違盟屢舉兵侵邊王含忍久之萱益稔惡頗欲強吞故王伐之新羅王出兵助之 乙丑甄萱送王信之喪遣信弟育迎之 三月甲寅渤海工部卿吳興等五十人僧載雄等六十人來投 辛酉王入運州敗其城主兢俊於城下甲子攻下近品城 夏四月壬戌

遣海軍將軍英昌能式等率舟師往擊康州下轉伊山老浦平西山突山等四鄉虜人物而還 乙丑王攻熊州不克 秋七月戊午遣元甫在忠金樂等攻破大良城虜將軍鄒許祖等三十餘人 八月丙戌王徇康州高思葛伊城城主興達歸款於是百濟諸城守皆降附 九月甄萱攻燒近品城進襲新羅高齋府逼至郊畿新羅王遣連式告急王謂侍中公萱大相孫幸正朝聯珠等曰新羅與

高麗史卷一  
我同好已久今有急不可不救遣公萱等以  
兵一萬赴之未至萱猝入新羅都城時羅王  
與妃嬪宗戚出遊鮑石亭置酒娛樂忽聞兵  
至倉卒不知所為王與夫人走匿城南離宮  
從臣伶官宮女皆被陷沒萱縱兵大掠入處  
王宮令左右索王置軍中逼令自盡強辱王  
妃縱其下亂其嬪妾立王表弟金傳為王虜  
王弟孝廉宰臣英景等盡取子女百工兵仗  
珍寶以歸王聞之大怒遣使弔祭親帥精騎

五千邀萱於公山桐藪大戰不利萱兵圍王  
甚急大將申崇謙金樂力戰死之諸軍破北  
王僅以身免萱乘勝取大木郡燒盡田野積  
聚冬十月甄萱遣將侵碧珍郡焚大小木  
二郡禾稼十一月燒碧珍郡稻穀正朝索  
湘戰死之十二月甄萱寄書于王曰昨者  
新羅國相金雄廉等將召足下入京有同齏  
應龜聲是欲鷄披隼翼必使生靈塗炭社稷  
丘墟是用先著祖鞭獨揮韓鉞誓百僚如皎



日諭六部以義風不意姦臣遁逃邦君薨變  
遂奉景明王之表弟憲康王之外孫勸即尊  
位再造危邦喪君有君於是乎在足下不詳  
忠告徒聽流言百計窺覷多方侵擾尚不能  
見僕馬首拔僕牛毛冬初都頭索湘束手於  
星山陣下月內左相金樂曝骸於美利寺前  
殺獲居多追擒不少強羸若此勝負可知所  
期者掛弓於平壤之樓飲馬於沮江之水然  
以前月七日吳越國使班尚書至傳王詔旨

知卿與高麗久通歡好共契隣盟比因質子  
之兩亡遂失和親之舊好互侵疆境不戢干  
戈今專發使臣赴京本道又移文高麗宜相  
親比永孚于休僕義篤尊王情深事大及聞  
詔諭即欲祗承但慮足下欲罷不能困而猶  
聞今錄詔書寄呈請留心詳悉且鏡獮迭億  
終必貽譏蚌鷓相持亦爲所笑宜迷復之爲  
戒無後悔之自貽 是歲遣林彥如唐  
十一年春正月壬申溟州將軍順式來朝

于戊

乙亥元尹金相正朝直良等將往救康州經  
草八城爲城主興宗所敗金相死之 是月  
王咨甄萱書曰伏奉吳越國通和使班尚書  
所傳詔書一道兼蒙足下辱示長書敘事者  
伏以華軫膺使爰致制書尺素好音兼承教  
誨捧芝檢而雖增感激闢華牋而難遣嫌疑  
今托回軒輒敷危枉僕仰承天假俯迫人推  
過叨將帥之權獲赴經綸之會頃以三韓厄  
會九土凶荒黔黎多屬於黃巾田野無非於

赤土庶幾弭風塵之警有以救邦國之災爰  
自善隣於焉結好果見數千里農桑樂業七  
八年士卒閑眠及至酉年維時陽月忽焉生  
事至於交兵足下始輕敵以直前若螳螂之  
拒轍終知難而勇退如蚊予之負山拱手陳  
辭指天作誓今日之後末世歡和苟或渝盟  
神其殛矣僕亦尚止戈之武期不殺之仁遂  
解重圍以休疲卒不辭質子但欲安民此則  
我有大德於南人也豈謂歃血未乾兇威復

作蜂蠆之毒侵害於生靈狼虎之狂爲梗於  
畿甸金城窘迫黃屋震驚仗義尊周誰似桓  
文之霸乘閒謀漢唯看莽卓之姦致使王之  
至尊枉稱予於足下尊卑失序上下同憂以  
謂非有元輔之忠純豈得再安於社稷以僕  
心無匿惡志切尊王將援置於朝廷使扶危  
於邦國足下見毫釐之小利忘天地之厚恩  
斬戮君王焚燒宮闕醢卿士虐劉士民嫪  
姜則取以同車珍寶則奪之捆載元惡浮於

桀紂不仁甚於獍梟僕怨極崩天誠深却日  
庶效鷹鷂之逐以申犬馬之勤再舉干戈兩  
更槐柳陸戰則雷馳電擊水攻則虎搏龍騰  
動必成功舉無虛發逐尹邠於海岸積甲如  
山擒鄒祖於邊城伏屍蔽野燕山郡畔斬吉  
與於軍前馬利城邊戮隨晤於纛下拔任存  
之日邢積等數百人捐軀破青州之時直心  
等四五輩授首桐藪望旗而潰散京山舍壁  
以投降康州則自南而來歸羅府則自西而

移屬侵攻若此收復寧遠必期泚水營中雪  
張耳千般之恨烏江亭上成漢王一捷之功  
竟息風波永清寰海天之所助命將何歸况  
承吳越王殿下德洽包荒仁深字小特出綸  
於丹禁諭戢難於青丘既奉訓謨敢不尊奉  
若足下祇承睿旨悉戢凶機不惟副上國之  
仁恩抑亦紹東海之絕緒若不過而能改其  
如悔不可追 三月戊申渤海人金神等六  
十戶來投 夏四月庚子幸湯井郡 五月

庚申康州元甫珍景等運糧于古子郡甄萱  
潛師襲康州珍景等還戰敗死者三百餘人  
將軍有文降于萱 六月甲戌碧珍郡地震  
癸巳伊餐進慶卒贈大匡 秋七月辛亥  
渤海人大儒範率民來附 丙辰自將擊三  
牟山城不克遂幸青州 八月幸忠州甄萱  
使將軍官昕城陽山王遣命旨城元甫王忠  
率兵擊走之官昕退保大良城縱軍焚取大  
木郡禾稼遂分屯烏於谷竹嶺路塞命王忠

等往謀于曹物城 新羅僧洪慶自唐閩府  
航載大藏經一部至禮成江王親迎之置于  
帝釋院 九月丁丑大相權信卒嘗以破黃  
山郡功授重阿餐 丁酉渤海人隱繼宗等  
來附見於天德殿三拜人謂失禮大相含弘  
曰失土人三拜古之禮也 冬十一月甄萱  
選勁卒攻拔烏於谷城殺戍卒一千將軍楊  
志明式等六人出降王命集諸軍于毬庭以  
六人妻子徇諸軍棄市 是歲巡幸北界

丑巳

十二年夏四月乙巳幸西京歷巡州鎮 六  
月壬寅以元甫長弼爲大相 癸丑天竺國  
三藏法師摩睺羅來王備儀迎之明年死于  
龜山寺 庚申渤海人洪見等以船二十艘  
載人物來附 秋七月己卯幸基州歷巡州  
鎮 辛巳甄萱以甲卒五千侵義城府城主  
將軍洪術戰死王哭之慟曰吾失左右手矣  
又侵順州將軍元奉遁 九月乙亥幸剛州  
丙子渤海正近等三百餘人來投 冬十

寅庚

月丙申百濟一吉干廉昕來投 甄萱圍加  
恩縣不克 十二月甄萱圍古昌郡王自將  
救之

十三年春正月丁卯載巖城將軍善彌來投  
丙戌王自將軍古昌郡瓶山甄萱軍石山  
相去五百步許遂與戰至暮萱敗走獲侍郎  
金渥死者八千餘人是日古昌郡奏萱遣將  
攻陷順州掠人戶而去王即幸順州修其城  
罪將軍元奉 庚寅以古昌郡城主金宣平

爲大匡權行張吉爲大相於是永安河曲直  
明松生等三十餘郡縣相次來降 二月乙  
未遣使新羅告古昌之捷羅王遣使報聘致  
書請相見是時新羅以東訖海州郡部落皆  
來降自溟州至興禮府惣百十餘城 庚子  
幸昵於鎮 北彌秩夫城主萱達與南彌秩  
夫城主來降 三月戊辰以白書省郎中行  
順英式並爲內議舍人 夏五月壬辰幸西  
京 六月庚子至自西京 秋八月創安和

禪院爲大匡王信願堂 己亥幸大木郡以  
大丞第弓爲天安都督府使元甫嚴式爲副  
使 癸卯幸青州 丙午芋陵島遣白吉土  
豆貢方物拜白吉爲正位土豆爲正朝 九  
月丁卯皆知邊遣崔奐請降 冬十二月庚  
寅幸西京創置學校

世家卷第一

世家卷第二

高麗史二

正憲大夫曹判書集賢殿大提學知 經進春秋館事無成均大司成臣鄭麟趾奉  
教修

太祖二

卯辛  
十四年春二月丁酉新羅王遣大守謙用復  
請相見 辛亥王如新羅以五十餘騎至畿  
內先遣將軍善弼問起居羅王命百官迎于  
郊堂弟相國金裕康等迎于城門外羅王出  
應門外迎拜王答拜羅王由左王由右揖讓

升殿命扈從諸臣拜羅王情禮備至宴臨海  
殿酒酣羅王曰小國不天爲甄壹椽喪何痛  
如之泣然泣下左右莫不嗚咽王亦流涕慰  
籍之 夏五月丁丑王遺羅王太后竹房夫  
人與相國裕廉匣于禮文波珍粲策宮尹儒  
韓粲策直昕直義卿讓餘寬封舍宜熙吉等  
物有差 癸未王還羅王送至穴城以裕廉  
爲質而從都人士女感泣相慶曰昔甄氏之  
來如逢豺虎今王公之來如見父母 秋八

辰三

月癸丑遣甫尹善規等遺羅王鞍馬綾羅綵  
錦并賜百官綵帛軍民茶幘頭僧尼茶香有  
差 冬十一月辛亥幸西京親行齋祭歷巡  
州鎮 是歲詔有司曰北蕃之人人面獸心  
飢來飽去見利忘恥今雖服事向背無常宜  
令所過州鎮築館城外待之  
十五年夏五月甲申諭群臣曰頃完嘗西京  
徙民實之冀憑地力平定三韓將都於此今  
者民家雌雞化爲雄大風官舍頽壞夫何災



變至此昔晉有邪臣潛畜異謀其家雌雞化為雄卜云人懷非分天垂警戒不悛其惡竟取誅滅吳王劉濞之時大風壞門拔木其卜亦同濞不知戒亦底覆亡且祥瑞志云行役不平貢賦煩重下民怨上有此之應以古驗今豈無所召今四方勞役不息供費既多貢賦未省竊恐緣此以致天譴夙夜憂懼不敢違寧軍國貢賦難以蠲免尚慮群臣不行公道使民怨咨或懷非分之心致此變異各宜

悛心毋及於禍 六月丙寅百濟將軍龔直來降 秋七月辛卯親征一牟山城遣正胤武巡北邊 九月甄萱遣一吉梁相貴以舟師入侵禮成江焚盪白貞三州船一百艘取猪山島牧馬三百匹而歸 冬十月甄萱海軍將尚哀等攻掠大牛島命大匡萬歲等救之不利 十一月己丑前內奉卿崔凝卒 是歲遣大相王仲儒如唐獻方物 復攻一牟山城破之

巳癸

十六年春三月辛巳唐遣王瓊楊昭業來冊  
王詔曰王者法天而育兆庶體地而安八紘  
允執大中式彰無外斗極正而衆星咸拱溟  
渤廣而百谷皆宗所以居戴履之倫窮照臨  
之境弘道修德恭己虛懷歸心者睠爲王人  
嚮化者被以風教由是舉封崇之命稽旌賞  
之文垂於古先罔敢失墜其有地稱平壤師  
擅兼材統五族之強宗控三韓之奧壤務權  
鎮靜志奉聲明爰協彝章是加寵數咨爾權

知高麗國王事建身資雄勇智達機鈴冠邊  
城以挺生負壯圖而閒出山河有授基址克  
豐踵朱蒙啓土之禎爲彼君長履箕子作蕃  
之跡宣乃惠和俗厚知書故能導之以禮義  
風驍尚武故能肅之以威嚴提封於是謚寧  
生聚以之完輯而復行及唇齒分篤皮毛忿  
黠虜之挺祆恤隣邦而救患矧以披肝效順  
秉節納忠慕仁壽以康時識文思之撫運航  
深梯險輸贐貢琛繼陳述職之儀茂著勤王

之業夫推至誠而享豐報道之常也真真封而顯列國禮之大也勞有所至朕無愛焉今遣使太僕卿王瓊使副大府少卿兼通事舍人楊昭業等持節備禮冊命爾爲高麗國王於戲作善天降之祥守正神祚之福干戈慎於危事文軌資於遠謀永爲唐臣世服王爵往踐厥位汝惟欽哉又詔曰卿珠樹分輝金鉤協兆領日邊之分野冠海外之英雄士心同感於撫循民意咸歌於惠養而又誠堅事

大志在恤隣抹馬利兵挫甄萱之黨分衣減食濟忽汗之人繼航海以拜章每克庭而致貢金石之誠明貫日風雲之梗槩凌空名播一時美流四裔忠規若此賞典寧忘特議疏封仍升峻秩剪桐圭而錫命目極蓬山睠桃李以傾思心隨濟水勉祗異禮永保崇勛今授卿特進檢校太保使持節玄菟州都督上柱國克大義軍使仍封高麗國王今差使太僕卿王瓊使副大府少卿楊昭業等往彼備

禮冊命兼賜國信銀器匹段等具如別錄至  
當領也又詔曰卿長淮茂族漲海雄蕃以文  
武之才控茲土宇以忠孝之節來稟化風貞  
規既篆於旗常寵數是覃於簡冊如綸如綍  
已成虎穴之榮宜室宜家足顯鵲巢之美俾  
頒湯沐以慶絲蘿永光輔佐之功式協優隆  
之命諒卿誠素知我渥恩卿妻柳氏今封河  
東郡夫人又賜三軍將吏等詔曰朕以王建  
星雲稟秀金石輸誠信義著於睦隣忠孝彰

甲

於事大領三韓之樂土每奉周正越萬里之  
洪波常陳禹貢勲名已顯爵秩未崇宜寵錫  
以桐圭俾真封於桃野今封授高麗國王差  
使往彼備禮冊命便令慰諭想宜知悉又賜  
曆日自是除天授年號行後唐年號  
十七年春正月甲辰幸西京歷巡北鎮 夏  
五月乙巳幸禮山鎮詔曰往者新羅政衰群  
盜競起民庶亂離曝骨荒野前主服紛爭之  
黨啓邦國之基及乎末年毒流下民傾覆社

稷朕承其危緒造此新邦勞役瘡痍之民豈予意哉但草昧之時事不獲已擲風沐雨巡省州鎮修完城柵欲令赤子得免綠林之難由是男盡從戎婦猶在役不忍勞苦或逃匿山林或號訴官府者不知幾許王親權勢之家安知無肆暴陵弱困我編氓者乎予以一身豈能家至而目覩小民所以末由控告呼籲彼蒼者也宜爾公卿將相食祿之人諒予愛民如子之意矜爾祿邑編戶之氓若以家

臣無知之輩使子祿邑惟務聚歛恣爲割剝爾亦豈能知之雖或知之亦不禁制民有論訴者官吏徇情掩護怨讟之興職競由此子嘗誨之欲使知之者增勉不知者能誠其違今者別行染卷猶以匿人過爲賢不曾舉奏善惡之實曷得聞知如此寧有守節改過者乎爾等遵我訓辭聽我賞罰有罪者無論貴賤罰及子孫功多罪小量行賞罰若不改過追其祿俸或一年二三年五六年以至終身

不鹵若志切奉公終始無瑕生享榮祿後稱  
名家至於子孫優加旌賞此則非但今日傳  
之萬世以為今範人有為民陳訴勾喚不赴  
必令再行勾喚先下十杖以治違令之罪方  
論所犯吏若故為遷延計日罰責又有怙威  
恃力令之不可觸者以名聞 秋七月渤海  
國世子大光顯率眾數萬來投賜姓名王繼  
附之宗籍特授元甫守白州以奉其祀賜僚  
佐爵軍士田宅有差 九月丁巳自將征運

紀

州與甄萱戰大敗之熊津以北三十餘城聞  
風自降 冬十二月渤海陳林等一百六十  
人來附 是歲西京旱蝗  
十八年春三月甄萱子神劍幽其父於金山  
佛宇殺其弟金剛初萱多妾媵有子十餘人  
第四子金剛身長多智萱特愛之欲傳其位  
其兄神劍良劍龍劍等知之憂悶時良劍龍  
劍出鎮于外神劍獨在側伊犁能與使人與  
良劍龍劍陰謀勸神劍作乱 夏六月甄萱

與季男能又女哀福嬖妾姑比等奔羅州請  
入朝遣將軍庾黔弼大匡萬歲元甫香又吳  
淡能宣忠質等領軍船四十餘艘由海路迎  
之及至復稱壹爲尚父授館南宮位百官上  
賜揚州爲食邑兼賜金帛奴婢各四十口廐  
馬十匹以先降人信康爲衙官 秋九月甲  
午幸西京歷巡黃海州 冬十月壬戌新羅  
王金傳遣侍郎金封休請入朝王遣攝侍中  
王鐵侍郎韓憲邕等往報十一月甲午羅王

率百僚發王都士庶皆從之香車寶馬連亘  
三十餘里道路填咽觀者如堵泂路州縣供  
億甚盛王遣人問慰癸卯羅王與王鐵等入  
開京王備儀仗出郊迎勞命東宮與諸宰從  
衛而入館于柳花宮癸丑御正殿會百官備  
禮以長女樂浪公主歸于羅王己未羅王上  
書曰本國久經危亂曆數已窮無復望保基  
業願以臣禮見不允十二月辛酉群臣奏曰  
天無二日土無二王一國二君民何以堪願

高麗史卷二  
九  
聽羅王之請壬申御天德殿會百僚曰朕與  
新羅歃血同盟庶幾兩國永好各保社稷今  
羅王固請稱臣卿等亦以爲可朕心雖愧衆  
意難違乃受羅王庭見之禮群臣稱賀聲動  
宮掖於是拜金傅爲政丞位太子上歲給祿  
千碩創神鷹宮賜之其從者並收錄優賜田  
祿除新羅國爲慶州仍賜爲食邑 是歲遣  
禮賓卿邢順等如唐

申丙

十九年春二月甄萱壻將軍朴英規請內附

夏六月甄萱請曰老臣遠涉滄波來投聖  
化願仗威靈以誅賊子耳王初欲待時而動  
憐其固請乃從之先遣正胤武將軍述希領  
步騎一萬趣天安府 秋九月王率三軍至  
天安府合兵進次一善郡神劍以兵逆之甲  
午隔一利川而陣王與甄萱觀兵以萱及大  
相堅權述希皇甫金山元尹康柔英等領馬  
軍一萬支天軍大將軍元尹能達奇言韓順  
明昕岳正朝英直廣世等領步軍一萬爲左



綱大相金鈇洪儒朴守卿元甫連珠元尹萱  
良等領馬軍一萬補天軍大將軍元尹三順  
俊良正朝英儒吉康忠旰繼等領步軍一萬  
爲右綱溟州大匡王順式大相兢俊王廉王  
又元甫仁一等領馬軍二萬大相庚黔弼元  
尹官茂官憲等領黑水達姑鈇勒諸蕃勁騎  
九千五百祐天軍大將軍元尹貞順正朝哀  
珍等領步軍一千天武軍大將軍元尹宗熙  
正朝見萱等領步軍一千杆天軍大將軍金

克宗元甫助杆等領步軍一千爲中軍又以  
大將軍大相公萱元尹能弼將軍王舍允等  
領騎兵三百諸城軍一萬四千七百爲三軍  
援兵鼓行而前忽有白雲狀如劍戟起我師  
上向賊陣行百濟左將軍孝奉德述哀述明  
吉等四人見兵勢大盛免胄投戈降于甄萱  
馬前於是賊兵喪氣不敢動王勞孝奉等問  
神劍所在孝奉等曰在中軍左右夾擊破之  
必矣王命大將軍公萱直擣中軍三軍齊進

奮擊賊兵大潰虜將軍所康見達殷述今式  
又奉等三千二百人斬五千七百餘級賊倒  
戈相攻我師追至黃山郡踰炭嶺駐營馬城  
神劔與其弟菁州城主良劔光州城主龍劔  
及文武官僚來降王大悅勞慰之命攸司虜  
獲百濟將士三千二百人並還本土唯所康  
富達又奉見達等四十人并妻子送至京師  
面責能免曰始與良劔等謀囚君父立其子  
者汝也為臣之義當如是乎能免俛首不能

言遂命誅之流良劔龍劔于真州尋殺之以  
神劔僭位為人所脅罪輕二弟又且歸命特  
免死賜官於是甄萱憂懣發疽數日卒于黃  
山佛舍王入百濟都城令曰渠魁既已納款  
無犯我赤子存問將士量才任用軍令嚴明  
秋毫不犯州縣按堵老幼皆呼萬歲相慶曰  
後來其蘇 是月王至自百濟御威鳳樓受  
文武百官及百姓朝賀王既定三韓欲使為  
人臣子者明於禮節遂白製政誠一卷誠百

丁酉

寮書八篇頒諸中外 冬十二月丁酉大匡  
裴玄慶卒 是歲創廣興現聖彌勒內天王  
等寺又創開泰寺於連山  
二十年夏五月癸丑金傳獻鑄金安玉排方  
腰帶長十圍六十二銖新羅寶藏殆四百年  
世傳聖帝帶王受之命元尹弋壹藏于物藏  
初新羅使金律來王問曰聞新羅有三大寶  
丈六金像九層塔并聖帝帶也三寶未亡國  
亦未亡塔像猶存不知聖帶今猶在耶律對

戊戌

曰臣未嘗聞聖帶也王笑曰卿為貴臣何不  
知國之大寶律慚還告其王王問群臣無能  
知者時有皇龍寺僧年過九十者曰予聞聖  
帶是真平大王所服歷代傳之藏在南庫王  
遂開庫風雨暴作白晝晦冥不得見乃擇日  
齋祭然後見之國人以真平王是聖骨之王  
稱曰聖帝帶 遣王規邢順如晉賀登極  
二十一年春三月西天竺僧弘梵大師啞哩  
縛日羅來本摩竭陀國大法輪菩提寺沙門

也王大備兩街威儀法駕迎之 秋七月壬子碧珍郡將軍李念言卒 是月始行後晉年號 築西京羅城 冬十二月耽羅國太子末老來朝賜星主王子爵 是歲渤海人朴昇以三千餘戶來投

亥巳

二十二年春三月戊辰佐丞龔直卒 是歲晉遣國子博士謝攀來冊王為開府儀同三司檢校太師餘如故

子庚

二十三年春三月改州府郡縣號 秋七月

寅壬 丑辛

王師忠湛死樹塔于原州靈鳳山興法寺親製碑文 冬十二月開泰寺成設落成華嚴法會親製疏文 是歲重修新興寺置功臣堂畫三韓功臣於東西壁設無遮大會一晝夜歲以為常 晉歸我質子王仁翟 二十四年夏四月乙未大匡庚黔弼卒 是歲遣大相王申一如晉獻方物 二十五年冬十月契丹遣使來遺橐駝五十匹王以契丹嘗與渤海連和忽生疑貳背盟

高麗史卷二  
一四  
殄滅此甚無道不足遠結為隣遂絕交聘流  
其使三十人于海島繫橐駝萬夫橋下皆餓  
死

癸卯

二十六年夏四月御內殿召大匡朴述希親  
授訓要曰朕聞大舜耕歷山終受堯禪高帝  
起沛澤遂興漢業朕亦起自單平謬膺推戴  
夏不畏熱冬不避寒焦身勞思十有九載統  
一三韓叨居大寶二十五年身已老矣第恐  
後嗣縱情肆欲敗亂綱紀大可憂也爰述訓

要以傳諸後庶幾朝披夕覽永為龜鑑其一  
曰我國家大業必資諸佛護衛之力故創禪  
教寺院差遣住持焚修使各治其業後世姦  
臣執政徇僧請謁各業寺社爭相換奪切宜  
禁之其二曰諸寺院皆道誥推占山水順逆  
而開創道誥云吾所占定外妄加創造則損  
薄地德祚業不永朕念後世國王公候后妃  
朝臣各種願堂或增創造則大可憂也新羅  
之末競造浮屠衰損地德以底於亡可不戒

哉其三曰傳國以嫡雖曰常禮然丹朱不肖  
堯禪於舜實爲公心若元子不肖與其次子  
又不肖與其兄弟之衆所推戴者俾承大統  
其四曰惟我東方舊慕唐風文物禮樂悉遵  
其制殊方異土人性各異不必苟同契丹是  
禽獸之國風俗不同言語亦異衣冠制度慎  
勿效焉其五曰朕賴三韓山川陰佑以成大  
業西京水德調順爲我國地脉之根本大業  
萬代之地宜當四仲巡駐留過百日以致安

寧其六曰朕所至願在於燃燈八閩燃燈所  
以事佛八閩所以事天靈及五嶽名山大川  
龍神也後世姦臣建白加減者切宜禁止吾  
亦當初誓心會日不犯國忌君臣同樂宜當  
敬依行之其七曰人君得臣民之心爲甚難  
欲得其心要在從諫遠讒而已從諫則聖讒  
言如蜜不信則讒自止又使民以時輕徭薄  
賦知稼穡之艱難則自得民心國富民安古  
人云芳餌之下必有懸魚重賞之下必有良

將張弓之外必有避鳥垂仁之下必有良民  
賞罰中則陰陽順矣其八曰車峴以南公州  
江外山形地勢並趨背逆人心亦然彼下州  
郡人參與朝廷與王侯國戚婚姻得秉國政  
則或變亂國家或嚙統合之怨犯蹕生亂且  
其會屬官寺奴婢津驛雜尺或投勢移免或  
附王侯宮院姦巧言語弄權亂政以致災變  
者必有之矣雖其良民不宜使在位用事其  
九曰百辟群僚之祿視國大小以爲定制不

可增減且古典云以庸制祿官不以私若以  
無功人及親戚私昵虛受天祿則不止下民  
怨謗其人亦不得長享福祿切宜戒之又以  
強惡之國爲隣安不可忘危兵卒宜加護恤  
量除徭役每年秋閱勇銳出衆者隨宜加授  
其十曰有國有家儆戒無虞博觀經史鑑古  
戒今周公大聖無逸一篇進戒成王宜當圖  
揭出入觀省十訓之終皆結中心藏之四字  
嗣王相傳爲寶 五月王不豫停聽斷 丁

酉宰臣廉相王規朴守文等侍坐王曰漢文遺詔曰天下萬物之萌生靡有不死死者天地之理物之自然奚可甚哀前古哲王秉心如此予遘疾已歷二旬視死如歸有何憂也漢文之言即予意也內外機務久不決者卿等並與太子武裁決而後聞丙午疾大漸御神德殿命學士金岳草遺詔文成王不復語左右失聲大哭王問此何聲也對曰聖上作民父母今日欲棄群臣臣等痛不自勝耳王

笑曰浮生自古然矣言訖有頃而薨在位二十六年壽六十七遺命內外庶僚並聽東宮處分喪葬園陵制度依漢魏二文故事悉從儉約王規模宏遠正朝廷明賞罰崇節儉用賢良重儒道謚曰神聖廟號太祖葬于松嶽西麓陵曰顯陵穆宗五年加謚元明顯宗五年加光烈十八年加大定文宗十年加章孝仁宗十八年加仁勇高宗四十年加勇烈李齊賢贊曰忠宣王嘗言我太祖規模德量



生於中國當不減宋太祖宋太祖事周世宗世宗賢主也待宋太祖甚厚宋太祖亦爲之盡力及恭帝幼冲政出太后迫于群情而受周禪蓋出於不得已也我太祖事弓裔猜暴之君三韓之地裔有其二太祖之功也以不世之功處必疑之地可謂危矣而國人歸心將士推戴然猶固讓欲徇延陵之節弔伐之事亦豈得已哉其好生惡殺而信賞必罰推誠功臣而不假以權創業垂統固宜一揆矣

至若宋祖以江南李氏比之軒睡卧榻則石晉所賂契丹山後之十六州蓋視爲橐中物既收北漢將長驅以定秦漢之疆耳我太祖即位之後金傳未賓甄萱未虜而屢幸西都親巡北鄙其意亦以東明舊壤爲吾家青氈必席卷而有之豈止操雞搏鴨而已哉由是觀之雖大小之勢不同二祖規模德量所謂易地皆然者也忠宣聰明好古中原博雅之士如王構閻復姚遂蕭頴趙孟頫虞集皆遊

其門蓋嘗與之尚論也

惠宗

惠宗仁德明孝宣顯義恭大王諱武字承軋太祖長子母曰莊和王后吳氏後梁軋化二年壬申生太祖四年立爲正胤從討百濟奮勇先登功爲第一二十六年五月丙午太祖薨奉遺命即位六月壬申葬太祖于顯陵元年遣廣評侍郎韓玄珪禮賓卿金廉如晉告嗣位遂賀破契丹 冬十二月翰林院令

辰甲

巳乙

平章事崔彥撝卒

二年晉遣范匡政張季凝來冊王敕曰省所奏以先臣遺命及官吏推請權知國事事具悉圭茅積慶忠孝因心早彰幹蠱之名顯著象賢之譽雅當嗣習深契物情見先臣知子之明成後嗣克家之美遠陳章奏尤驗純誠欣慰之懷寤寐無已又詔曰卿才略耀竒規模冠俗荀息之忠貞自許翁歸之文武兼全鷹麟鷲立之姿折衝萬里夏屋春臺之煦化

高麗史卷二十一  
洽一隅而又尊獎誠深貢輸禮備是於剛日  
乃降明恩宜旌命世之英俾峻真王之秩爰  
旌亮節仍進崇階可持節玄菟州都督上柱  
國克大義軍使仍封高麗國王今命使光祿  
卿范匡政使副太子洗馬張季凝等往彼宣  
賜官告敕牒國信物等具如別錄勅賜高麗  
國王竹冊法物等竹冊一副八十簡紫絲條  
聯紅錦裝背冊匣一具黑漆銀舍陵金銅鑲  
鑰二副攀環紅錦托裏襯冊文兩幅黃綾夾

帕一條蓋冊匣三幅黃綾夾帕一條蓋冊匣  
三幅黃絹油夾帕一條舉冊匣熟紫絲板二  
條絡冊床熟紫絲油畫檐床一張銀裏脚角  
竿頭金栢木冊案一面紫綾案褥一領夾裙  
襪全行事紫綾席褥一副襯冊床紫綾席褥  
一副又勅高麗國王省所奏進奉謝恩紅地  
金銀五色線織成日月龍鳳襖段二枚紅地  
金銀五色線織成龍床褥二面金星皮甲二  
副蜀錦銀星皮甲二副蜀錦鍊鐵堽蓋四副

蜀錦紅地金銀五色線織成花鳥蜀錦捍勝  
四腰角弓四張紅地金銀五色線織成龍魚  
蜀弓袋裁四具竹幹箭二百隻一百隻貼金  
一百隻貼銀木幹箭二百隻紅地金銀五色  
線織成雲龍箭釵裁四具金銀裝欄鞘細縷  
雲天玉劍一十口內二口金銀裝蜀錦鞘金  
銀裝蜀錦鞘細縷雲天長刀一十口金銀裹  
槍一十根金銀裝蜀錦鞘匕首一十口金銀  
裝鞘匕首一十口細苧布一百匹白氎布二

百匹細中麻布三百匹事具悉卿世篤忠貞  
家傳勲閥爰屬承襲之始遠輸貢奉之儀貝  
錦成章撞華讓貴咸陳筐篚皆是珍奇而又  
兵器駢羅戎衣鮮麗莫非精妙可驗傾勤嘉  
獎所深再三無已又勅高麗國王省所奏進  
奉金銀裝所刺六根蜀錦鞘金銀裝劍六口  
金銀裝蜀錦鞘長刀一十口紅地金銀五色  
線織成花鳥蜀錦捍勝二腰紅地金銀五色  
線織成花鳥蜀錦倚背二面紅地金銀五色

線織成花烏罽錦裙腰六腰紅地金銀五色  
線織成罽錦鞘金銀裝匕首一十口鍍金鷹  
鈴二十顆銀鑲鍍子五色條銀尾銅全鍍金  
鷄子鈴二十顆銀鑲尾銅全細白氎布一百  
匹細中麻布一百匹人參五十斤頭髮二十  
斤金銀地鐵文翦刀一十枚金銀細縷剪刀  
二十枚金銀細縷剪髭剪刀一十枚銀花細  
縷剪刀二十枚金銀重口中大樣刀子三十柄  
銀重口中大樣刀子四十柄金銀重口中大樣刀

子五十柄銀重口中大樣刀子五十柄金銀重  
口中小刀子五十柄銀重口中小刀子一百柄金  
銀細縷撒火鏢二十枚金銀細縷鉗子二十  
枚香油五十斤松子五百斤事具悉卿地控  
東溟心馳北闕奉九丘而作貢歷萬里以來  
王戎器堅剛織文靡麗苧麻如雪至藥通神  
首飾翫具之奇香澤果實之類名品既衆羅  
列甚多省閱之時稱尚良切又勅高麗國王  
省所上表賀去年三月一日親幸澶州殺敗

契丹事具悉朕以契丹顯違信義輒肆侵陵親御戎車往平桀虜靈旗一舉狂寇四奔卿遠聽捷音頗據憤氣載馳章表來慶闕庭嘉乃忠誠不忘于意 大匡王規譖王弟堯及昭王知其誣恩遇愈篤規又使其黨穴壁入王寢內謀作亂王徙避之不問 秋九月王疾篤群臣不得入見儉小常侍側戊申薨于重光殿在位二年壽三十四王氣度恢弘智勇絕倫自王規謀逆之後多所疑忌常以甲

士自衛喜怒無常群小並進賞賜將士無節內外嗟怨謚曰義恭廟號惠宗葬于松嶽東麓陵曰順陵穆宗五年加謚明孝顯宗五年加宣顯十八年加高平高宗四十年加景憲李齊賢贊曰羽父請弒桓公將以求太宰隱公不聽亦不討之終致為氏之禍王規之譖兩王弟亦羽父之意也惠宗不致之罪顧使居左右其免於袖刃壁人之謀可謂幸也時去太祖棄代甫規耳之不義而得衆已能如

漢魏之曹馬耶其未有以竄殛之何也嗚呼  
小人之難遠也如此可不戒哉

定宗

定宗至德章敬正肅文明大王諱堯字天義  
太祖第二子母曰神明順聖王太后劉氏以  
太祖六年癸未生惠宗二年九月戊申群臣  
奉王即位己酉王規謀逆伏誅  
元年春正月王將謁顯陵致齋之夕聞御殿  
東山松間有呼王名者曰爾堯存恤細民人

丙午

丁未庚申

君之要務 是歲天鼓鳴赦 王備儀仗奉  
佛舍利步至十里所開國寺安之又以穀七  
萬石納諸大寺院各置佛名經寶及廣學寶  
以勸學法者

二年春築西京王城

三年秋九月東女真大匡蘇無蓋等來獻馬  
七百匹及方物王御天德殿閱馬為三等評  
定其價馬一等銀注子一事錦絹各一匹二  
等銀鉢一事錦絹各一匹三等錦絹各一匹

配

忽雷雨震押物人又震殿西角王大驚近臣  
等扶入重光殿遂不豫赦始行後漢年號  
四年春正月辛亥大匡王式廉卒三月丙  
辰王疾篤召母弟昭內禪移御帝釋院薨在  
位四年壽二十七王性好佛多畏初以圖讖  
決議移都西京徵發丁夫令侍中權直就營  
宮闕勞役不息又抽開京民戶以實之群情  
不服怨譴胥與及薨役夫聞而喜躍謚曰文  
明廟號定宗葬于城南陵曰安陵穆宗五年

加謚章敬顯宗五年加正肅十八年加令仁  
文宗十年加簡敬高宗四十年加莊元

李齊賢贊曰定宗以人君之尊步至十里所  
浮屠之宮以藏設利又以七萬石穀一日而  
分賜諸僧一遭天譴喪心生疾所謂君子求  
福不回者亦嘗聞其說耶疾既大漸能以宗  
杜付之親弟不使如玉規者覬覦於其間是  
可嘉也已

光宗



光宗弘道宣烈平世大成大王諱昭字日華  
定宗母弟以太祖八年乙酉生定宗四年三  
月丙辰受內禪即位 秋八月命大匡朴守  
卿等攷定國初有功役者賜四役者米二十  
五碩三役者二十碩二役者十五碩一役者  
十二碩以為例食

元年春正月大風拔木王問禳災之術司天  
奏曰莫如修德自是常讀貞觀政要 建元  
光德

庚

亥辛

丑癸子三

卯乙寅甲

二年創大奉恩寺于城南為太祖願堂又創  
佛日寺于東郊為先妣劉氏願堂 冬十二  
月始行後周年號

三年遣廣評侍郎徐逢如周獻方物

四年周遣衛尉卿王演將作少監呂繼贊來

冊王為特進檢校大保使持節玄菟州都督

克大義軍使兼御史大夫高麗國王

五年春創崇善寺追福先妣

六年遣大相王融如周獻方物 遣廣評侍

內辰

丁巳戊午

郎荀質如周賀即位

七年周遣將作監薛文遇來加冊王為開府

儀同三司檢校大師仍令百官衣冠從華制

前大理評使雙翼從文遇來

八年春正月王觀射于毬庭

九年夏五月始置科舉命翰林學士雙翼取

進士丙申御威鳳樓放枋賜崔暹等及第

是歲周遣尚書水部員外郎韓彥卿尚輦奉

御金彥英寶帛數千匹來市銅

巳未

庚申

十年遣春佐丞王兢佐尹皇甫魏光如周獻

名馬織成衣襖弓劍 秋遣使如周進別序

孝經一卷越王孝經新義八卷皇靈孝經一

卷孝經雌雄圖三卷 周遣左驍衛大將軍

戴交來 冬遣使如周獻銅五萬斤紫白水

精各二千顆 周侍御雙括來拜為佐丞

十一年春三月甲寅賜崔光範等及第 定

百官公服 改開京為皇都西京為西都

評農書史權信譖大相俊弘佐丞王同等謀

酉辛

逆賊之自是讒佞得志誣陷忠良奴詐其主  
子讒其父因國常溢別置假獄無罪而被戮  
者相繼猜忌日甚宗族多不得保雖一子他  
亦自疑阻不使親近人人畏懼莫敢偶語  
十二年修宮闕移御正匡王育第 賜王舉  
等及第

癸癸

十三年冬遣廣評侍郎李興祐等如宋獻方  
物

癸癸

十四年夏六月還御宮詔曰朕比為重修大

子甲

內人在離宮心存警備事異尋常百官奏事  
多不親聽慮恐衆心或生疑阻其為軫念寢  
食難忘今者修營功畢聽政有所凡爾百僚  
各敬爾事依舊進奏毋得稽留庶幾魚水同  
歡毋致君臣相阻 秋七月創歸法寺 冬  
十二月行宋年號 宋遣冊命使時贊來在  
海遇風溺死者九十人贊獨免王特厚勞之  
十五年春三月賜金策等及第御天德殿宴  
群臣命策赴宴 秋八月壬子大匡朴守卿

丑乙

丙寅丁卯戊辰

卒

十六年春二月加子佑元服立為王太子內史諸軍事內議令正胤宴群臣于長生殿遣大承內奉令王輅如宋獻方物帝授輅尚書左僕射食實封三百戶并賜官誥 秋七月丙午內議令徐弼卒

十七年賜崔居業等及第

十八年

十九年創弘化遊巖三歸等寺 以僧惠居

巳巳庚午辛未壬申

為國師坦文為王師王信讒多殺內自懷疑欲消罪惡廣設齋會無賴輩詐為出家以求飽飫旬者至或以餅餌米豆柴炭施與京外道路不可勝數列置放生所就傍近寺院演佛經禁屠殺肉膳亦買市廛以進

二十年冬十一月王弟旭卒

二十一年幸歸法寺

二十二年冬十二月壬寅地震

二十三年春二月地震 秋八月赦 是歲

癸酉甲戌

賜楊演等及第 遣內議侍郎徐熙等如宋  
獻方物帝制加王食邑賜推誠順化守節保  
義功臣號授熙檢校兵部尚書副使內奉卿  
崔業檢校司農卿兼御史大夫判官廣評侍  
郎康禮檢校少府少監錄事廣評負外郎劉  
隱檢校尚書金部郎中並賜官誥  
二十四年春二月賜白思柔等及第  
二十五年春三月賜韓蘭卿等及第 是歲  
西京居士緣可謀叛伏誅 僧惠居死以坦

乙亥

文為國師

二十六年夏五月王不豫甲午薨于正寢在  
位二十六年壽五十一王即位之初禮待臣  
下明於聽斷恤貧弱重儒雅夙夜孜孜庶幾  
治平中歲以後信讒好殺酷信佛法奢侈無  
節謚曰大成廟號光宗葬于松嶽北麓陵曰  
憲陵穆宗五年加謚宣烈顯宗五年加平世  
十八年加肅憲文宗十年加懿孝高宗四十  
年加康惠

康禮檢校少三

戊甲酉癸

賜楊演等及第 遣內議侍郎徐熙等如宋  
獻方物帝制加王食邑賜推誠順化守節保  
義功臣號授熙檢校兵部尚書副使內奉卿  
崔業檢校司農卿兼御史大夫判官廣評侍  
郎康禮檢校少府少監錄事廣評員外郎劉  
隱檢校尚書金部郎中並賜官誥  
二十四年春二月賜白思柔等及第  
二十五年春三月賜韓蘭卿等及第 是歲  
西京居士緣可謀叛伏誅 僧惠居死以坦

亥乙

文為國師

二十六年夏五月王不豫甲午薨于正寢在  
位二十六年壽五十一王即位之初禮待臣  
下明於聽斷恤貧弱重儒雅夙夜孜孜庶幾  
治平中歲以後信讒好殺酷信佛法奢侈無  
節謚曰大成廟號光宗葬于松嶽北麓陵曰  
憲陵穆宗五年加謚宣烈顯宗五年加平世  
十八年加肅憲文宗十年加懿孝高宗四十  
年加康惠

李齊賢贊曰光宗之用雙箕可謂立賢無方乎箕果賢也豈不能納君於善不使至於信讒濫刑耶若其設科取士有以見光宗之雅有用文化俗之意而箕亦將順以成其美不可謂無補也惟其倡以浮華之文後世不勝其弊云

### 景宗

景宗至仁成穆明惠獻和大王諱侁字長民光宗長子母曰大穆王后皇甫氏光宗六年

乙卯九月丁巳生十六年立為太子二十六年五月甲午光宗薨王即位大赦還流竄放囚繫洗痕累拔淹滯復官爵蠲欠債減租調毀假獄焚讒書各十月甲子加政丞金傅為尚父制曰姬周啓聖之初先封呂望劉漢興王之始首冊蕭何自此太定寰宇廣開基業立龍圖二十代躡麟趾四百年日月重明乾坤交泰雖自無為之主亦闕致理之臣觀光順化衛國功臣上柱國樂浪王政丞食邑

八千戶金傳世處雞林官分王爵英烈振凌雲之氣文章騰擲地之才富有春秋貴居茅土六韜三略拘入宵襟七縱五申撮歸指掌我太祖始脩睦隣之好早認餘風尋頒駙馬之姻內酬大節家國既歸於一統君臣宛合於三韓顯播令名光崇懿範可加號尚父都省令仍賜推忠順義崇德守節功臣號勲封如故食邑通前為一萬戶 是月加上六代考妣尊號

子丙

元年夏六月庚申黃州院二郎君並加元服改院號為明福宮 冬十一月宋遣左司禦副率于延超司農寺丞徐昭文冊王為光祿大夫檢校大傅使持節玄菟州諸軍事玄菟州都督大順軍事食邑三千戶 遣使如宋賀即位 放執政王誥于外王嘗許先朝被讒人子孫復讎遂相擅殺復致冤號及是誥托以復讎矯殺太祖子天安府院郎君於是貶誥仍禁擅殺復讎 以荀質申質為左右



丁丑

戊寅

卯癸

執政皆兼內史令元甫壽餘為近臣知御廚事始定各品田柴科是歲遣金行成如宋入學國子監

二年春三月御東池龍船親試進士賜高凝等及第是歲遣子如宋獻良馬甲兵

三年夏四月政丞金傅卒謚敬順宋遣太子中允張洎來聘

四年春三月賜元徵衍等及第夏六月宋遣供奉官閣門祗候王僕來冊王為侍中加

辰庚

巳辛

食邑一千戶是歲渤海人數萬來投

五年以崔知夢為內議令王承等謀逆伏誅

六年夏六月王不豫秋七月王疾彌留甲

辰召堂弟開寧君治內禪遺詔曰一生一死

賢拓難逃或短或脩古今皆是寡人承四朝

之餘烈受三韓之霸圖獲保山川土地務安

宗廟社稷日慎一日首尾七年因此勤勞遂

成疾疹奠怡神於釋負將傳聖以紓憂正胤

開寧君治國之親賢予所友愛必能奉祖宗  
之大業保國家之昌基咨爾公卿宰臣其敬  
保我介弟永綏我大邦寡人每覽禮經至男  
子不死婦人之手未嘗不臨文嘆仰至于今  
日左右嬪御已令屏去倘或不延歎至大期  
更何所恨服紀輕重合依漢制以日易月十  
三日周祥二十七日大祥園陵制度務從儉  
約其西京安東安南登州等諸道膺鎮守之  
任有軍旅之權者所寄非輕豈宜暫曠不許

離任赴闕各於任所舉哀三日釋服其餘並  
委嗣君處分丙午薨于正殿在位六年壽二  
十六王溫良仁惠不好遊戲末年厭倦萬機  
日事娛樂沈溺聲色且好圍碁昵近小人疎  
遠君子由是政教衰替謚曰獻和廟號景宗  
葬于南畿山麓陵曰榮陵穆宗五年加謚成  
穆顯宗五年加明惠十八年加順熙文宗十  
年加靖孝高宗四十年加恭懿  
李齊賢贊曰滕文公問井地於孟子孟子曰

仁政必自經界始經界不正井地不均穀祿  
不平是故暴君污吏必慢其經界經界既正  
分田制祿可坐而定也三韓之地非四方舟  
車之會無物產之饒貨殖之利民生所仰只  
在地力而鴨綠以南大抵皆山肥膏不易之  
由絕無而僅有也經界之正若慢則其利害  
比之中國相萬也太祖繼新羅衰亂秦封奢  
暴之後萬事草創日不暇給止爲口分之法  
歷四世景宗作田柴之科雖有疎略亦古者

世祿之意至於九一而助什一而賦與夫所  
以優君子小人者則不暇論也後世屢欲理  
之終於苟而已矣蓋其初不以經界爲急抗  
其源而求流之清何可得也惜乎當時群臣  
未有以孟子之言講求法制啓迪而力行之  
也



